



## ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

### ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԱՇՏՊԱՆՈՒԹՅԱՆ ՆԱԽԱՐԱՐՈՒԹՅԱՆ ԵՎ ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՐՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏԻ ՄԻՋԵՎ

Հայաստանի Հանրապետության պաշտպանության նախարարությունը, այսուհետ՝ Նախարարություն, ի դեմս ՀՀ պաշտպանության նախարարի տեղակալ Գաբրիել Բալայանի և Հայաստանի ֆիզիկական կուլտուրայի և սպորտի պետական ինստիտուտի, այսուհետ՝ Ինստիտուտ, ի դեմս ռեկտորի Ժ/պ Դավիթ Խիթարյանի, այսուհետ՝ Կողմեր, ձգտելով զարգացնել համագործակցությունը ֆիզիկական դաստիարակության և սպորտի բնագավառում,

կարևորելով սպորտի զարգացումը Հայաստանի Հանրապետության զինված ուժերում որպես մարտունակության բարձրացման կարևորագույն միջոց,

վստահություն հայտնելով, որ համագործակցությունը կնպաստի մարզական-սպորտային և գիտական փորձի փոխանակմանն ու աջակցության ցուցաբերմանը,

համաձայնեցին հետևյալիմասին.

#### ՀՈՂՎԱԾ 1

Կողմերը պայմանավորվում են համագործակցել Հուշագրով նախատեսված ուղղությամբ՝ իրենց հնարավորությունների և միջոցների կիրառմամբ:

#### ՀՈՂՎԱԾ 2

Սույն Հուշագրով նախատեսված համագործակցության շրջանակներում Կողմերն իրենց հնարավորությունների, միջոցների և փորձի կիրառմամբ պատրաստակամություն են հայտնում կազմակերպելու և իրականացնելու ֆիզիկական պատրաստվածության դասընթացներ՝ համաձայն Կողմերի միջև հետագայում հաստատվող դասընթացի պլանի և ժամանակացույցի, ուսումնակրթական միջոցառումներ և համատեղ հետազոտություններ, գիտական կոնֆերանսներ, սեմինարներ և խորհրդակցություններ:

#### ՀՈՂՎԱԾ 3

Զինված ուժերում սպորտի և ֆիզիկական պատրաստվածության զարգացման նպատակով Ինստիտուտը կաջակցի գիտական, մասնագիտական գրականության, մեթոդական ձեռնարկների, աշխատությունների, պարբերականների և այլ նյութերի տրամադրման հարցում:

#### ՀՈՂՎԱԾ 4

Սույն Հուշագրով նախատեսված համագործակցության շրջանակներում Նախարարությունը կիրազեկի և Ինստիտուտի հետ կքննարկի՝

- փոխադարձ հետաքրքրություններ կայացնող միջոցառումների, այդ թվում՝ համաբանակային սպորտային և միջպետական ռազմական համագործակցության շրջանակներում կազմակերպվող մարզաձևերի մրցաշարերի անցկացման վերաբերյալ,

- ֆիզիկական պատրաստվածության ծրագրերի մշակման գործընթացում մասնագիտական աջակցության հետ կապված հարցեր:

#### ՀՈԴՎԱԾ 5

Կողմերը կանցկացնեն համատեղ քննարկումներ համագործակցության ընդլայնման, սպորտային նվաճումների արդյունքների հարցերի շուրջ:

#### ՀՈԴՎԱԾ 6

Կողմերը պարտավորվում են ձեռնարկել բոլոր միջոցները սույն Հուշագրով արձանագրված ըբարեխղճոր են կատարելու համար՝ ապահովելով իրականացված գործունեության արդյունքում իրենց հայտնի դարձած պետական, ծառայողական, հեղինակային կամ այլ գաղտնիք պարունակող տեղեկությունների չհրապարակումը և չբացահայտումը:

#### ՀՈԴՎԱԾ 7

Կողմերից յուրաքանչյուրի նախաձեռնությամբ և փոխադարձ համաձայնությամբ սույն Հուշագրում կարող են կատարվել փոփոխություններ կամ լրացումներ, որոնք կձևակերպվեն առանձին արձանագրություններով և կհանդիսանան սույն Հուշագրի անբաժանելի մասը: Այդ արձանագրություններն կիրառվում են սույն Հուշագրի ուժի մեջ մտնելու համար նախատեսված կարգով:

#### ՀՈԴՎԱԾ 8

- 8.1. Սույն Հուշագիրը կիրառվում է Կողմերի ստորագրման օրվան հիցս գործում է անորոշ ժամկետով:
- 8.2. Սույն Հուշագիրը կարող է վաղաժամ կետևուծվել Կողմերից յուրաքանչյուրի նախաձեռնությամբ՝ ենթադրվող դադարեցման օրվան հիցս չուշ, քան 1 (մեկ) ամիս առաջ մյուս Կողմին գրավոր ծանուցմամբ:
- 8.3. Սույն հուշագիրը Կողմերից մեկի համար ֆինանսական պարտավորություններ չհառաջացնում:
- 8.4. Սույն Հուշագրի կիրառման և մեկնաբանման ընթացքում Կողմերի միջև ծագած տարաձայնությունները կլուծվեն խորհրդակցությունների և բանակցությունների միջոցով:
- 8.5. Սույն Հուշագրի գործողության դադարեցումը չի ազդի սույն հուշագրի գործողության ընթացքում սկսված ծրագրերի և նախագծերի կատարման ընթացքի վրա, եթե Կողմերն այլ բան չպայմանավորվեն:

Ստորագրված է Երևան քաղաքում 2019 թվականի դեկտեմբերի 20-ին, երկու բնօրինակով՝ հայերեն, որոնք հավասարազոր են:

**ՀՀ պաշտպանության նախարարի  
տեղակալ**

  
\_\_\_\_\_ **Գ. ԲԱԼԱԅԱՆ**

**Հայաստանի ֆիզիկական կուլտուրայի և սպորտի  
պետական ինստիտուտի ռեկտորի ժ/պ**

  
\_\_\_\_\_ **Դ. ԽԻՇԱՐՅԱՆ**